

Hagdangz Gyaunde

美丽的校园

南宁市天桃小学四年级 曾珊珊

Hagdangz gou youq diuzloh Gyaunuzlu, de gyaunde raixcaix, henz bakdou hagdangz miz geij cih saw ndongqsag “Denhdauz Sizyen Yozyau”, daengngoenz baez ciuq, gij cih haenx ronghyabyab, gig ndei yawj.

Byaij haeuj bakdou, dou daeuj daengz cauhsangz, cauhsangz gig gvangq, danghnaeuz mwngz hopheux cauhsangz buet gvaengx he, haengjdingh baegfofo. Dou maij cauhsangz lai lo, baez daengz dangz diyzuz, dou cungj youq ndawde guh' angq; baez roengz dangz, gizneix dauqcawq cungj dwg sing riu.

Baihgvaz cauhsangz, couhdwg gyaunuzlouz dou. Gij saek rog gyaunuzlouz gig singisien, caengz he dwg saek hoengz, caengz he dwg saek hau, hoengz caeuq hau doxboiq, engq gyaue lo! Byaij haeuj ndaw gyaunuzlouz, ngamq hwnj mbaeklae, couh dingqnyi gij sing doeg saw lo, daengz ndaw gyausz, daiz daengq baij ndaej cingcaez dangqmaz, gwnz ciengz ndaw gyausz nem miz gij vahgangj boubmizmingz, son gyoengqdou haengqrengz hagsib. Gyausz dou caeuq gyausz wng doxdoengz, de ngoenznaengz geiqloeg dou



baenzlawz maj hung. Youq ndaw gyausz dou cungj roxnyinh raeujrubub.

Baihnaiz gyaunuzlouz dwg duzsuhgvanz, ndawde miz haujai saw, gou gingciengz bae gizhaenx doeg saw, youq gizneix gou hag ndaej gij cihsis gwnz dangz mbouj miz haenx.

Gou gyauez hagdangz gou! (Bouxhoiz: Sugij)



Gaisau Swhgeij Gou

介绍我自己

南宁市华强小学三年级 李由乐

Mwngz rox gou yaek sij byawz lwi? Sij swhgeij gou ha.

Gou bakraeh bakraeuz, gwnz gyauej gou maj miz byoem ndaemndwtndwt, song lwgda gou luenzlulu ronghndik-ndik.

Gou dwg boubvunz swnz-sienh he.

Miz baez he, youq gwnz

roen cuengqhag dauqranz, gou yawjraen duz roeg nyaeq he deng sieng lo, de boemz youq henz roen saenzdedded, hojlienx raixcaix. Gou naemj: Duz roeg nyaeq neix dawzsieng baenzneix, itdingh dauq ranz mbouj ndaej, de haengjdingh siengsim lai lo, bohme de hix siengj de lai bw. Gou buet gvaqbae, dawz duz roeg nyaeq neix daiq dauq ranz. Baez daengz ranz, gou sikhaek bang de bau gizsieng, lij hawj de dwk yw dem, cuengq de youq ndaw ranz ciengx. Ngoenznaengz gou sij cozyez liux le cungj caeuq duzroeg “gangjgoj”, duzroeg lumjbaenz dingq rox gou gangj gijmaz nei, song lwgda de cungj cim gou, vaiqlag dangqmaz.

Gvaq geij ndwen le, gizsieng duzroeg hix ndei lo, gou caeuq duzroeg hix baenz le baengzyoux ndei, hoeng gou naemj duzroeg miz aen seiqgyaiq swhgeij, baengzyoux de ngoenznaengz hix siengj de, de wngdang dauqma daswyenz. Vihneix, gou hai conghcueng hawj duzroeg mbin okbae lo, yienznaeuz gou sij mbouj ndaej, hoeng yawjraen duzroeg youq baihrog cwxcaih mbin bae mbin dauq, gou haisim dwk riu lo.

Neix couhdwg gou, boubvunz swnzsieng he, danghnaeuz mwngz siengj roxnaj gou, couh daeuj caeuq gou guh baengzyoux ba.

(Bouxhoiz: Sugij)

Aen naj luenzlulu, aen dungx bizbwdbwd, song diuz ga lumj ga duzciengh nei, naek baenz 52 goenggaen, hoeng bineix ngamq ndaej 11 bi, de couhdwg Lij Ciningz.

Heuh Lij Ciningz baenz “bouxgwn”, baez dingq couh rox, de maij gwn! De banhaet gwn haexcaex, banringz gwn haexringz, banringzgvaq gwn saejdaeuz, banhaemh gwn haexcaez, byonghhwnz lij gwn donq dem cij ninz. De byaij daengz gyawz gwn daengz gyawz, seizseiz cungj dwg gwn, gwn, gwn! Geiq ndaej miz baez he, de gingqyienx youq gwnz dangz yijvwnz caeg gwn saejdaeuz, doeklaeng mboujdanh ngaiz lauxsae muedsou



saejdaeuz, lij ngaiz fad ndwn dem. Hoeng de lij lumjbaenz mbouj miz saeh nei, laeglemx lwnh boubdoengzdaiz: “Sou bae bau saejdaeuz ndeu lau gijmaz, ndaw daehsaw gou lij miz haujai dem!” Gangj sat, de lumjbaenz seiqhenz mbouj miz vwnz nei youh dawz bau saejdaeuz he

okdaeuj laebdaeb gwn. Lauxsae ngaiz cungj cingsaenz de “gamjdoengh” lo, couh mbouj leixlangh de, gaggoq hwnj dangz, hawj Lij Ciningz siengj baenzlawz gwn couh baenzlawz gwn. Lij Ciningz gwn imq le, yungh genbuh uetuet aen bak, lumjbaenz lij dauqngeix gij feihdauh ndei ndaw

Saehyinx Seizoiq

童年趣事

南宁市东葛路小学五年级 黄颖慧

Moix vunz cungj miz seizoiq, miz haujai saehyinx seizoiq gvaq geijlai bi cungj lumz mbouj ndaej.

Geiq ndaej seizoiq, ndaw hongh miz go makgam he, gou ngoenznaengz cungj youq gwnzde ved ndang sang, gou itcig laihnaeuz, baeznaengz gou cungj sang gvaq baezgonq. Hoeng miz ngoenz he, gou angqvauvau bae dag ndang sang, fatyienh swhgeij beij baezgonq daemq haujai. Gou buet bae cam daxmeh: “Daxmeh, vihmaz gyoengq doengzdoi h cungj maj sang, gou cix maj daemq ne?” Daxmeh dingqnyi le, cam: “Vihmaz baenzneix gangj ne?” Gou ndwn hwnj gwnz eij naeuz hawj daxmeh: “Gou ngoenznaengz cungj bae laj go makgam ved ndang sang, hoeng ngoenzneix gou lij beij gizved ngoenzlwenz haenx daemq!” Gou rag fwngz daxmeh haeuj ndaw hongh vix hawj de yawj, daxmeh baez cim gomak, couh riu lo, gaendwk de rubrub aen gyauej gou, riu dwg naeuz: “Mwngz rox mwngz vihmaz beij gizved haenx daemq lwi? Aenvih mwngz majsang mbouj vaiq, gomak cix maj ndaej beij mwngz vaiq, ndigah mwngz ngoenzneix daeuj dag couh laihnaeuz beij ngoenzlwenz daemq lo.” Dingq gij vah daxmeh le, gou gag riumwnh lo.

Seizneix dauqngeix gij saehyinx seizoiq, gou cungj dingj mbouj ndaej gag riunyaen.

(Bouxhoiz: Sugij)



dungx nei.

Lij Ciningz yienznaeuz maij gwn doxgaiq, hoeng de hix gig gwn ndaej haemzhoj bw. Miz baez he, ban dou caeuq ban wng doxdax bengcag, mwh seiz ban dou yaek saw, Lij Ciningz dawz saejdaeuz dauj roengz ndaw bak, hemq naeuz: “Gou yaek heiqndat lo!” Vah ngamq ok bak, de couh yungh rengzgut baez rag, diuz cagdaeuz hainduj rag coh mbiengj ban dou, ban dou doeklaeng ndaej hingz lo.

Yienznaeuz dou dwgcaengz Lij Ciningz maij gwn, hoeng de maij aen ban dou, nyienh vih ban dou gwn haemz gwn hoj, cungj cingsaenz neix dou aeu hagsib cij baenz!

(Bouxhoiz: Sugij)